

壽世保元

卷之九十

增補醫林狀元壽世保元集卷九

太醫院吏目金龜雲林龔廷賢子才編 同業後學周景登元龍撰

外科諸證

癰疽

夫癰疽瘡瘍皆由氣血不利喜怒不時飲食不節寒暑不調使五臟六腑之氣拂鬱於內以致陰陽乖錯氣血凝滯而發也亦有久服丹石燥熱之藥熱毒結深而發為癰疽也夫此疾多生於膏粱富貴之人以其平昔所食肥膩炙脾安坐不勞嗜慾不節以致虛邪熱毒內攻而蒸氣血而成也癰者腫也大而高起屬乎陽六腑之氣所生也其脈浮數疽者沮也平而內發屬乎陰五臟之氣所成也其脈沈數瘡者其總名也瘡者有頭小瘡也經云諸痛癢瘡屬心火蓋心主血而行氣若氣血凝滯夾心火之熱而主癰疽之類也然所感有深淺故所發有輕重大小之不同也六腑積熱騰出於外肌肉之間其發甚度腫光軟侵表廣大者癰也五臟風毒積熱攻注於肌肉其發猛烈初生一頭如瘡癰白色焦枯觸之而痛應心者疽也熱發於皮膚之間是以浮腫根小不過二三寸者瘡也夫癰生於六腑若燎原之火外瘡肌肉疽生於五臟沈澁難療若陶室之燼肉潰骨髓癰則易療惟難將息而遲遲疽則難療而易痊復夫諸瘡之中惟背疽疔瘡最為急症其次莫如腦疽腸癰喉癰之類亦甚急者也至若癰惡癰癰痔漏諸瘡之類其症可緩而治也又有疔癰癰瘡風疔之類雖云俱屬瘡類而其輕重緩急自有不同也夫癰疽之疾須要察其是實是虛是冷是熱或重或輕對症用藥無失先後次序凡人年四十以上頭頂鬢頭背脊腰脊或筋骨之上所現不見之處稍有瘡痛便不可輕易待之若視之怠慢以為常疾每見從微至顯喪命者多矣便宜速急治之庶幾得救譬如救火初救則易救至於癰疽之勢不可撲滅矣其理亦由是也凡瘡未破毒攻肺腑一毫熱藥斷不可用若已破潰臟腑既虧飲食不進一毫冷藥亦不可用此是先後次第之要訣也夫瘡有五善七惡不可不辨若動息自寧飲食知味一善也便利調勻二善也膿潰膿消色鮮不臭三善也神彩精明語聲清明四善也體氣和平五善也如煩燥時嗽腹痛渴甚泄利無度小便如淋一惡也膿血大泄燥痛尤甚臭惡難近二惡也喘滿短氣恍惚嗜臥三惡也未潰先黑久陷面青唇黯便汚者四惡也肩項不便四肢沉重五惡也不能下食服藥不咽食不知味六惡也聲嘶色脫唇黑面目四肢浮腫七惡也更有氣噎痞塞咳逆身冷自汗無時目

眩耳聾恍惚驚悸語言顛倒皆是惡症五善見三則善七惡見四必危五善併至則吉而安七惡全見必危而死矣

●審症虛實訣

一凡大按乃痛者病深小按便痛者病淺按之處陷不復者無膿按之處即復者有膿不復者可消若按之都牽強者未有膿也按之半軟者有膿也又手按上下不熱者無膿若熱甚者有膿凡覺有膿急當破之無膿但氣腫若有血慎之慎之不可針破也用諸拔毒之藥敷散四圍堅中軟者此為有膿也一邊軟亦可有膿都堅者此為惡核或有氣也都軟者此為有血血瘤也當審堅軟虛實為要若以疽積久後者更變熱偏有軟處當軟處切不可針破也軟疽者溫煖烘烘衣置之若針灸刺破不可療也

●雜病須知

一凡病時忌忌忌疑慮忌身體不潔人來忌魚羊鵝肉燒酒麵食生冷瓜果醃藏等物瘡口斂百日後不作渴症者方可以入房

一凡一切癰疽瘡腫毒痛將好未好之時如往有喪之家吊孝並拜望等項其瘡腫即復發切忌切忌

●用藥治法

一凡癰疽疔項大瘡毒初起一二三日內即服飛騰神駿膏此藥治瘡初起至將潰之際俱可服服後汗出將惡毒盡皆發散腫痛立消其效若神如瘡已潰爛勿服如無神駿膏初起即服槐花酒或千金消毒散二三劑患處即用灸法灸之瘡初發至七日內皆可灸七日外不可灸瘡未及灸初起即以葱蜜膏或金蟾膏貼之即消至四五日腫痛未消用芙蓉膏敷之立效敷之至六七日作膿將潰未潰之時不得頂破用替針丸頻點瘡頭自然皮破出膿瘡自初起至此膿將出未出之際即服真人活命飲一二劑下瀉膿血其瘡潰爛用猪蹄湯洗淨以三種膏搽之內服千金內托散以托瘡毒出外間服蠟蟾丸以敷腦膜二藥相兼服之勿問不計其數再看潰爛不止此氣血衰憊脾胃虧損肌肉不生瘡不斂口可再用猪蹄湯洗淨將生肌散搽上外貼神異膏內服十全大補湯兼進八仙糕久服自愈好後再服加減八味丸可以絕根庶幾再生若平日無瘡時肯預服之尤為防患於未然也以上治法俱要依次第而行未有不奏效者皆千百發百中之良法也

一論飛龍奪命丹乃外科惡毒第一方也。方見後

一論癰疽發背癰癰氣癰等症此專門之方其效捷如奔馬。飛騰神驗膏。麻黃二斤去錫

爛及入水同搗澄。防風去毒。地骨皮去骨淨。甘草四兩。木鼈子去殼十。頭髮一大把。湯燈草一大。黑鉛快

右熟膏法不用柴燒用白炭五十斤用大鐵鍋一口將前藥入鍋內注清水二三桶煮至五六分看藥水濃時藥渣濾起

藥水另放缸注又將前渣入鍋內再入水一二桶又煮至五六分藥汁又注前汁內如前法三次去渣將前二次汁并作

一鍋熬至乾去黑鉛頭髮燈草三味不出其味香甜磁罐收貯五年不壞遇病每服三錢好熱酒調膏臨臥服厚被蓋出

大汗為度徐徐去被不可被風吹次早用豬蹄煨食汗後恐致虛人以此補之以復元氣好酒調服隨人酒量以醉為度

汗出立愈此治瘡毒初起至潰破時前後皆可服神効

一論凡入初覺患癰疽發背已結未結赤熱腫痛即用灸法先以濕紙覆其上立視後其紙先乾處即是結疽頭處取大蒜

去皮橫切三文錢厚安在頭上用大艾炷於蒜上灸之三次換一蒜片復灸痛者灸至不痛不痛灸至痛方住最要早覺

早灸為上方發二日者十灸十愈三四日者六七愈五六日者三四愈過七日則不可灸矣若有十數頭一處生者用大

蒜搗成膏作餅子鋪瘡頭上聚艾燒之亦可若自上初發赤腫內有一粒黃如粟米者即用獨蒜切片如前法灸之次日

去加膿自潰矣

一論凡癰疽發背一切無名腫毒初起。葱蜜膏。生葱生蜜猪膽一個傾石鉢內或搗成餅貼患處日換三四次即消

金蟾膏。治症同前。生白礬末五錢加麝香一分取活蝦蟆一個去腸肚同搗爛如泥四圍留頂出氣不過一夜即愈

一論發背及一切疔腫毒不問已成未成但焮痛者。槐花酒。槐花四五兩炒黃乘熱入酒二盅煎十餘沸去渣熱服其

毒即消神效

一論癰疽發背無名腫毒疼痛醫所不識初起壯盛人宜用黑白牽牛各一兩搥碎好酒一椀煎八分露一宿次日溫服大

便下膿血即愈。一論初起一切惡瘡毒腫疼痛丹瘤瘰癧疔腫魚口五發癰疽初覺一二日便如傷寒頭痛煩渴拘急惡寒肢體疼痛四肢

沈重恍惚悶亂坐臥不甯皮膚壯熱大便閉結小便赤澀等症並治妊娠勿服。千金消毒散。連翹二錢。黃芩一錢。當

歸尾錢 金銀花五錢 皂角刺錢 赤芍錢 天花粉錢 牡蠣錢 防風錢 大黃錢 芒硝錢 麻黃錢 右劉

一劑酒水各半煎服

一論腸癰便毒疔腫癰疽初起即消已腫即潰血從大便中出瘡潰後勿服加減真人活命飲又名千金內消散當

歸尾錢五分 赤芍錢 白芷錢 木藍子一錢 川山甲三錢 蛤粉炒 金銀花錢三 乳香 白殭蠶錢 瓜萸仁二錢

天花粉錢 皂角刺錢 沒藥五 大黃錢 甘草節五 右劉一劑酒水煎服

一論癰疽發背腫痛如錐刺不可忍者登時痛止芙蓉膏 芙蓉葉 黃荊子絡絲分 右二味入石臼內搗極爛用雞子

清調敷患處留頂如烟起此方用在未潰之先或將潰之際

一治癰疽發背已潰爛者 三神膏 草麻子仁合 陳醋極大 鹽搗 右三味置鍋中用槐柞攪成膏先將猪蹄湯洗

淨或米泔水洗淨用雞翎續掃上其皮即皺其肉即生

一論諸癰惡毒發背癰疽痛不可忍此藥能衝護內膜驅解諸毒自然內消 加味蟾蜍丸 黃蠟兩 枯白礬兩 乳

香錢 沒藥錢 雄黃錢 右為細末用蠟鑄化為丸朱砂為衣如梧子大每服五十丸視瘡上下蜜水送下

一論癰疽瘡痛皆由氣血凝滯風毒癰結此藥發散外邪流行氣血排膿止痛生肌長肉之劑當用於五六日間已潰未潰

而作痛者宜服之 加味千金內托散 黃芪錢 人參 當歸錢 川芎 白芍炒 白芷 防風 川厚朴 煨

桔梗 官桂 瓜萸仁錢 金銀花 甘草節 右劉每服一兩水煎入好酒半盞去渣溫服日進二三服之後瘡口有

黑血出者及有汗出此藥之功也不問症候極惡未成者自散已成者即潰矣痛甚加乳香沒藥倍當歸藥

一論癰疽潰後須當大補氣血和脾胃托毒外出實為切要凡膿血出多陰陽兩虛此藥有回生起死之功但不分經絡不

載時今醫者當觸類而長之可也或見腫平痛寬遂以為安漫不知省無補接調養之功愈後虛症復見因而轉為他病

而危劇者多矣 收功萬金湯 黃芪錢 人參錢 白朮一錢 白茯苓一錢 當歸錢 川芎錢

白芍七錢 懷熟地黃錢 官桂錢 白芷錢 陳皮錢 甘草錢 防風錢 右劉一劑生薑一片水煎溫服如作

渴加麥門冬五味子如煩燥加生地黃麥門冬如胸有痰加薑制半夏如泄瀉加厚朴姜炒如小便不利澤瀉

如怔忡不寐加遠志酸棗仁炒如胸膈不寬加厚朴薑炒山渣肉 右方治癰疽發背諸瘡毒潰膿後毒氣已盡氣

此為試讀，需要完整PDF请访问：www.ertongbook.com

血虛弱不長肌肉不合口膿清欲作餘症宜之

一論患癰疽發背出膿後脾胃虧損不思飲食或嘔吐泄瀉四肢沈困無力者

八仙糕 人參 桂枝 茯苓 乾山

藥兩 芡實 蓮肉 不油白木 宿片 白糖霜 一斤

白糯米 磨極細末 右將藥末米粉

糖霜和一處搓揉極勻篩放籠內竹刀劃成小片蒸熟入鍋再焙乾任意食之

欽瘡止痛生肌散 宮粉 大煨黃 黃柏 黃連 乳香 沒藥 孩兒茶 各五

右為末揅瘡上并治下黃水熱泡

等瘡

一論癰疽發背潰爛便要此湯盪洗

豬蹄湯 當歸 赤芍 白芷 羌活 露蜂房 生甘草 各五 一方加黃芩

右細劉看瘡大小用藥如瘡大加料用之先將豬蹄蹄一雙一斤只用白水三升煮乾將汁分為兩次撥去上面油花

並下面渣肉每次用藥一兩投於汁中再用文武火煎十數沸去渣以故紙醃藥湯溫溫徐徐薄貼瘡上死肉惡血隨洗

而下洗淨訖以布帛拭乾貼膏藥仍避風忌人口氣吹之有胡具人并月經見行婦人及猫犬並不許入病人房內洗瘡

切不可手觸着

一論一切惡瘡癰疽發背等症此藥能追毒去死肉有膿無頭用此點頭自然皮破出膿

替針丸 人言為末入鍋內上

為度 硃砂 巴豆 乳香 沒藥 白雄丁香 右為細末麪糊為丸如豆大用時以溫水磨化頻點瘡

頭上神効 替針散 用木鑿子川烏二味磨水以雞毛蘸掃瘡上留口大一處出膿如藥水乾再刷上不一時即穿

一論治癰疽發背項發腦等大毒不拘已潰未潰俱用此敷貼如腫毒未潰通敷自消如已潰將此敷周圍腫掀之處其

破口處以神異膏貼之每日換兩三次不許見風神效 二合消毒散 文蛤 槐碎 炒黑 色為 輕粉 研三 黃柏 去皮

為末 寒水石 煨為末 右末合為一處用新涼水一半蜂蜜一半調合不稠如瘡毒尚未開將腫處通敷之用棉

紙覆於上但乾即以水掃之朝夕更換二次如夏月或午時再換一次亦可若已破將此藥敷於周圍掀腫處正有膿破

口處用神異膏滿貼之不必留口亦一日三換

一論癰疽發背潰爛又不生肌肉用此立效但此方用之不可太早合口收功散 血蝟 乳香 沒藥 輕粉 龍

骨 各一錢 赤石脂 硃砂 海螵蛸 各五 右共為細末散在瘡口上即生肌肉用此立效

骨 各一錢 赤石脂 硃砂 海螵蛸 各五 右共為細末散在瘡口上即生肌肉用此立效

一論癰疽發背諸瘡毒不拘已成已潰未潰者皆可用之瘡毒甚者每日換兩三次中毒換一次其藥力方能勝毒諸瘡潰膿後不長肌肉不合口者神効
神異膏 當歸尾錢五
玄參錢五 黃芪錢五 官桂錢三 桃仁四十個 杏仁四十個 木藍子四十個 赤芍錢二 生地黃錢四 防風錢五 羌活錢五 白芷錢五
三蛇退錢二 大黃錢二 黃柏錢二 亂髮男者一團 女者半團 槐柳皮每長一寸 何首烏錢三 牛旁子錢五 川山甲錢四 露蜂房錢三
夏三秋七冬十日以桑柴文武火煎油黑色以穿山甲浮起黑為度絹濾去渣再熬油滴水成珠陸續下黃丹十四兩柳條攪不住手成膏軟硬得所再下乳香沒藥各三錢血竭三錢降真香末三錢次冷定下射香末三錢水浸二三日去火性攤用

一論癰疽瘡毒痊後及將痊口乾渴甚舌或生黃及未患先渴此腎水枯竭不能上潤以致心火上炎水火不能既濟故心煩躁作渴小便頻數或白濁陽痿飲食不多肌膚漸削或腿腫腳先瘦服此以生腎水降心火諸症頓止及治口舌生瘡不絕
加減八味丸 懷生地黃半斤好酒入砂鍋 山藥一斤 桂心五錢 石棗去肉四兩 澤瀉切片煮 白茯苓去皮各 遠五味子二兩 牡丹皮五錢 右為末入石膏加煉蜜少許丸如梧子大每服六七十丸空心鹽湯送下

一凡人久服加減八味丸必肥健而多子晚年服此不生癰疽諸毒不患消渴等症
一患癰疽之人雖云有熱皆因虛而得之愈後發渴及先渴而後癰疽非八味丸不能治
一人病癰疽多有愈後發渴而不救者治之惟八味丸最效疽安而渴者服此則渴止疽安而未渴者預服此丸則永不生渴氣血壯盛而未疽而先發渴者服此不惟渴止疽亦不作

一人平日口乾作渴因飲酒食炙膻補劑房勞凡若此類過多致令腎水枯竭不能上制心火故有此症後必有症發也宜先服八味丸以絕其源及癰疽後服此尤有益也

一論癰疽發背諸瘡出膿潰爛日久不愈飲食少思身體倦怠口舌乾燥或寒熱往來驚悸少睡以補中益氣湯去柴胡加蒼朮來門冬神麴五味黃柏少睡加炒酸棗仁瘡肉生遲加白薇一錢肉桂五分如膿多或清倍加參芪歸木
一加味十全大補湯治癰疽潰後補氣血進飲食實為切要凡膿血出多陰陽兩虛此藥有回生起死之功但不分經絡不載時令觸類而長之可也或見腫平痛寬遂以為安漫不知省無補接調養之功愈後虛證復見因而轉為他病而危

●附骨疽

丹溪曰附骨疽皆因久得厚味及勞役與酒後涉水得此陽滯於陰之症也又曰環跳空痛不止生附骨疽用蒼朮為君佐佐以黃柏之辛行以青皮冬加桂枝夏加條芩體虛者加杜仲牛膝以生甘草為佐作大料煎入姜汁食前飲之痛甚者以安前藥十數劑發不動少加麻黃一二劑又不動者以酒煎將成急掘地坑以火煨坑通紅沃以小便令患者赤體坐於坑中以席或棉衣圍抱下體使熱氣薰蒸膝理開氣血通暢而愈

一論瘡生腿外側或因寒濕得附骨疽於足少陽經分微侵足陽明經堅破漫腫行步作痛或不能行內托黃芪湯柴胡連翹肉桂大力子黃芪當歸尾黃柏升麻白芷甘草路八右剉一劑水酒各一盞煎至一盞食前溫服

一治附骨疽黃連消毒飲黃連羌活路一黃柏黃芩桑本防己桔梗歸尾路五生地黃知母獨活

防風連翹路四黃芪人參甘草陳皮蘇木澤瀉路二右十九味切作一劑水煎服一老人年七十因

寒濕地氣得附骨疽於左腿外側得附少陽之分微侵足陽明經分闊六七寸長一尺尺緊硬漫腫不辨肉色皮澤但行

步作痛以指按至骨大痛與此藥一服即止次日日堅軟腫消而愈

一論頑瘡惡毒年久不愈多有附骨在內先用貝母濃煎湯洗淨刮去腐肉用刀撥去附骨或用螞蟬腦子五六個搗爛敷

上其骨即出然後用人言五厘研細末入黃銅盞內用好醋一小盅慢火熬乾收起過三日即生出銅綠來研極細用雞

毛蘸藥掃瘡上即痛出水腐肉去淨然後用後藥珍珠象牙膏楚黃膏江傳珍珠巨關一塊切兩片將珠鋪之合

細末象牙錢一錢天北粉五錢白蠟錢一香油錢五右共合一處入碗內重湯煮化澄成膏紙攤貼患處神效

一治諸瘡大疼痛不辨肉色漫腫光色名曰附骨癰又治瘡口久不合酒調服燒灰畧存性三生散露蜂房蛇蛻

亂髮洗淨各右三味燒灰存性研末酒調服一錢七分

●腎癰

丹溪曰腎癰者腎居小腹之後在下此陰中之陰道遠位僻雖曰太陽多血熱氣運不到血亦罕來中年後尤慮患此纔有腫痛參之脈症但見虛弱便與滋補血氣可保終吉若無滋補之功其禍多在結痼之後或半年以來乃病多致失手

一論足太陽經中左右尺脈俱緊按之無力尻臀生癰堅硬腫痛大作內托羌活湯羌活黃柏酒炒各二錢防風藁本歸尾各二錢黃芪五分蒼朮浸洗連翹陳皮甘草各五分肉桂三分右剉一劑酒水同煎空心溫服以衣覆蓋處使藥力常行不可去衣

腸癰

丹溪曰腸癰常作濕熱積治入風難治千金調腸癰要治必殺人其病小腹重強按之則痛小便如淋時時汗出復惡寒

身皮甲錯肚腹緊急如腫之狀脈數者微有膿也案云洪數已有膿脈若遲緊者未有膿甚者腹脹大轉側有水聲或遠臍生瘡或膿自臍出或大便膿血急服蠟礬丸瀉下兼進後方

一論腸癰便毒癰疽初起即消已腫即潰血隨大便中出宜用千金內托散方見癰疽即加減真人活命飲

一論肚內生癰及癰疽惡毒宜內消次雪湯當歸身白芍黃芪甘草節射干連翹香白芷貝母陳

皮皂角刺乳香沒藥穿山甲天花粉金銀花木香青皮甚者加大黃右剉酒水煎服秘方是世

所奇投之如神

一論腸癰腹痛不安或胸滿不食小便赤婦人產後虛熱多有此疾但疑感間便不服服亦無害其右關脈亢者是也

薏苡仁二兩牡丹皮一兩半瓜蒌仁一兩右剉一兩水煎一方如川芎桃仁

一婦人腹痛如錐刺每痛至死不敢著手六脈洪數此腸癰毒也用穿山甲炒白芷貝母僵蠶大黃右剉一

大劑水煎服打下膿血自小便中出即愈後再無患宜少食煎炒熱物

一治腸癰日久潰爛出膿腹內刺痛不可忍者用鐵打一尺長三稜針將鴨腸一條貫針在內將鴨腸曲轉輕輕送入糞

門送到痛處方是瘡癰之處即將鴨腸扯動針六出刺破其毒膿隨針而出用手重按痛處膿出盡而愈此仙傳秘法也

囊癰

丹溪曰囊癰者濕熱下注也有作膿者此濁氣順下將流入滲道因陰道或虧水道不利而然膿盡自安不藥可也惟在善

於調攝耳又有因腹腫漸流入囊腫甚而囊自裂開澤丸懸挂水出以輔炭末敷之外以紫蘇葉包之仰臥養之

一論癰疽入囊者曾治數人悉由濕熱入肝經處治而用補陰藥佐之雖膿潰皮脫澤丸懸者皆不死

一方用野蘇葉面青背紅是也焙乾為末敷之如燥者以香油調敷賣無皮者外以青荷葉包之其皮自生

●懸癰

一論懸癰此瘡生穀道外腎之間初發其瘡狀如松子四十日赤腫如松治遲則破而大小便皆從此出不可治矣國老湯用橫紋大甘草一兩截長三寸許取出山澗中流水一椀不用井水河水以甘草蘸水文武火慢炙不可性急須用三時久水盡為度劈視草中潤透却以無灰酒二椀煮至一椀溫服一日一服消盡為度將軍散大黃煨貝母白芷甘草節右為末酒調空心服虛弱加當歸一半

一論肝經濕熱玉莖癰或使毒囊癰腫痛或清爛作痛小便澀滯或墜囊掛龍膽瀉肝湯龍膽草酒拌甘草車前子炒木通生地黃炒當歸尾洗山梔炒黃芩炒甘草右剉一劑水煎空心服

●瘰癧

瘰癧屬血氣痰熱必起於少陽一經不守禁忌延及陽明大抵食味之厚穢氣之積曰風曰熱皆此二端扼引變換須分虛實實者易治虛者可慮此其屬膽經主決斷有相火且氣多血少婦人見此其月經如期不作寒熱者易治積久轉為潮熱危矣自非斷慾食法神仙不治也

一論瘰癧者經所謂結核是也或有耳前後連及頤頰下連缺盆皆為瘰癧或在胸前及胸之側下連兩脇皆為馬刀半足少陽主之獨形而小者為結核續數連結者瘰癧形長如蛤者為馬刀也

一論遠項起核名曰蟠蛇癰延及胸前連腋下者名曰瓜藤癰左耳根腫核者名曰患袋癰右耳根腫核者名曰蜂窩癰一論瘰癧馬刀生耳前後或項上下胸腋間累累如珠者未破已破皆治消毒化堅湯當歸錢白芍分黃芪錢

玄參分天花粉分連翹錢柴胡錢黃芩錢牛蒡子錢龍胆草酒升麻錢桔梗錢陳皮分羌活分薄荷分海昆布分甘草分右剉一劑生薑煎服一方加甘草節知母貝母海藻更佳升陽調經丸升

麻錢葛根錢芍藥錢連翹錢黃連錢黃芩酒炒生黃芩錢黃柏酒炒桔梗錢歸尾錢三稜酒炒錢莪術酒炒龍膽草酒洗夏枯草錢甘草錢五右藥秤一半另研為末煉蜜為丸如菜豆大每服一百二十

丸白湯下一片作咀片每服五錢水煎服半月即痊

一論久患瘰癧流注以致血氣兩虛懷抱抑鬱飲食少思或四肢患腫肉色不變或日晡發熱或潰而不斂久不愈者益氣養

榮湯 黃芪^{人參} 白朮^{去五錢} 當歸^{酒洗} 川芎^{白芍} 黃^炒 懷生地黃 陳皮 香附 貝母^{各一} 柴胡 地骨

皮 桔梗 甘草^{各五} 右剉一劑水煎食遠服○如有痰加橘紅○如脇下刺痛加青皮或木香○如午後有熱或頭微眩

加黃柏炒 如膿水清倍人參黃芪當歸 如女人有鬱氣胸膈不利倍香附貝母 如月經不調加牡丹皮當歸

一論瘰癧兼諸癰皆治 抑氣內消散 當歸 川芎 白芍^炒 白朮^{去五錢} 青皮^{去穢} 白芷 半夏^{姜炒} 陳皮 桔梗

羌活 獨活 厚樸^{姜炒} 防風 黃芩 烏藥 香附 枳殼^{各一} 蘇子^{五錢} 沉香^{三錢} 木香 人參 粉萆

錢 右剉水煎溫服十餘次即消愈

若再發照分兩製為末酒糊為丸如桐子大每服五十九丸酒送下

一論瘰癧未破在左為瘰癧宜 內消調經散 山東李西嶺傳 升麻 葛根 龍胆草 黃連 桔梗 連翹 黃芩

黃柏 義木 三稜 甘草^{各五} 當歸尾 白芍^{各三} 右剉水煎服 稍虛加夏枯草 有痰加天花粉知母各五分

少陽加柴胡四分

一論在右為馬刀瘡未破宜 柴胡通經湯 柴胡 連翹 歸尾 甘草 黃芩 鼠粘子 三稜 桔梗^{各二} 黃連

紅花 右剉一劑水煎熱服

一論瘰癧已破者 補中勝毒湯 黃芪^{人參} 甘草^{各五} 當歸 生地黃 熟地黃 白芍^{各三} 陳皮^{各三} 升

麻 柴胡^{各五} 連翹^{各五} 防風^{各五} 右剉水煎熱服

一治瘰癧並頸項結核或腫或痛宜夏枯草水煎食後頓服 一方用夏枯草一把水煎三次去渣熬成膏貼患處立消

一治瘰癧元氣無虧用此以去之若瘰癧既去而不收飲服前益氣養榮湯若元氣怯弱宜先補後服瘰癧毒已後仍服前湯度

無他疾此方治瘰癧未成者消已潰者飲須元氣壯者可服 必效散 南礪砂^{二錢} 輕粉^錢 射香^五 巴豆^{五個}

用 白檀榔^個 班貓^{四十個去頭足用} 右研極細末取雞子二枚去黃用清調藥仍入壳內以濕紙數重糊口入飯

甌蒸熟取出曝乾為末每服五分用炒生美酒五更初調服如覺小腹痛用益元散一服其毒即從大便出

一治遠年鼠瘰瘡神方 千槌綠雲膏 松香^炒 新羅^各 乳香^{半錢} 沒藥^{半錢} 血竭^錢 銅綠^{二錢} 杏仁^{去皮}

孩兒茶

二兩 草麻子

二兩 麻油

二兩 乳汁

右為細末合作一處同乳汁油攪勻搗搗十下成膏用絹上藥貼患處

一婦人患瘰癧久而不愈或以為木旺之症不宜於春預用散腫潰堅湯腫硬甚余以為肝經虧損用六味丸補中益氣湯至春而愈此症若肝經風火自病元氣無虧可用散堅瀉毒之劑若肝自虧損或水不生木用六味丸若金來剋木須補脾土生腎水若行攻伐則脾胃傷而反致木剋土矣

一婦人項核腫痛察其氣血虛實先以必效散一服去之更以益氣養榮湯三十餘劑補之而消蓋此症初起而血氣虛弱者先用益氣養榮湯待其氣血稍充乃用必效散以去其毒仍用補藥無不奏效若已成膿者即針補而托之氣血復而核不消者服散堅之劑倘不應而氣血如故仍以必效散養榮湯又不應矣肘火肩髃二穴用十棗綠雲膏自愈若氣血壯實不用追蝕亦能自腐用藥以腐之者便易於收斂耳若血虛而用追蝕不惟無益實以取敗凡不慎飲食七情者

○疔瘡

夫疔瘡者由四時迭更陰陽交變此二氣互相激怒必成暴氣然暴氣卒然大風大霧大寒大熱若不能避而遇襲於皮膚入於四體傳注經絡遂使腠理結滿陰陽二氣不得宣通遂成疔毒但疔毒之名有十三種必發於手足間生黃泡其中或紫色有帶紅線道真者用針於線盡處刺去毒血水針時以知痛出血為妙否則紅線入腹攻心必致危困凡治疔毒先以麝漿水飲之吐則是不吐則非也大抵脈洪而數者難愈也

一治疔瘡惡毒神效

飛龍奪命丹

方見諸瘡

一治疔腫及無名瘡毒搗頭去白水以蔥蜜搗貼神效

一治無名腫毒疔瘡手指無故生蛇頭指腫痛不可忍有紅筋入心者

蜈蚣

二錢 歸尾

錢 雄黃

錢 土赤

錢 白芷

稍錢 右剉為末頭生酒煨服神效

一論一切惡毒疔瘡諸般無名腫毒及四時傷風傷寒增寒壯熱無汗初覺者趙府小靈丹 乳香 沒藥 輕粉 血

蝎 硃砂 草烏尖 細辛 巴豆霜 蟾酥 麝香 右為細末糯米糊為丸如黃米大雄黃為衣每服十三丸小

兒五七丸用葱白三根劈開入丸在內細嚼好酒送下以被蓋出汗避風婦人有孕不可服

一論一切疔瘡惡毒腫痛神效 類聖散 川烏 草烏 蒼朮 細辛 白芷 薄荷 防風 甘草 右為細末

雞清調毒處留頂

一凡患疔瘡癰疽癰毒此藥能令內消去毒化為黑水從小便出萬無一失不可輕視知母貝母白芨製半夏
天花粉皂角刺金銀花川山甲炒乳香路一右到一劑用無灰酒一椀煎至半椀去渣只作一服溫服不得
加減再將渣搗爛加秋過芙蓉葉一兩搗爛用蜜調井花水和敷瘡口上如乾再用蜜水潤濕過一宿自然消不必用第
二服藥也忌發物
一人脚面生疔形雖如粟其毒甚大宜峻利之藥攻之因其怯弱以隔蒜灸五十餘壯痒遂止再灸片時乃知痛更用膏藥
封貼再以人參敗毒散漸愈夫至陰之下道遠位僻其怯弱之人用峻利之劑則藥力未到胃氣先傷虛弱之禍有所不
免不如灸之為宜

便毒

便毒一名跨馬癰此奇經衝任為病而癰見於厥陰經之分野其經多血又名血疔或先有瘡瘡而發或卒然起核疼痛而
發皆熱鬱血聚而成也初發宜疎利之即散或膿後如常用托裏內補之藥

一論便毒是厥陰經濕因勞倦而發用射干三寸以生薑煎食前服得利二三行立效射干開紫花者是

一論便毒極效方追毒散當歸尾赤芍白芷金銀花天花粉路一白僵蠶木鼈子側川山甲二大

黃錢芒硝錢一方加五靈脂更妙右到一劑好酒煎露一宿五更熱服厚蓋發汗利一二行即愈其硝黃待群藥

煎將熟方入再二沸用之○一方加射干去芒硝

一論魚口便毒方神異散金銀花天花粉木鼈子路二甘草三連翹黃芩路八山梔子廿川山甲二炒

錢皂角刺錢木香五黃錢右到一劑酒水煎空心服

一治便毒腫痛神方徐完黑傳大黃全蝎蟬退僵蠶穿山甲土炒白芷稍貝母當歸尾路二右合

一帖水煎後加入大黃再煎二沸去渣入好生酒同服如未散蜈蚣一條同煎服

一治魚口瘡方用猪胆一枚投熟酒一椀溫服即內消

一治魚口便毒方木鼈子三箇巴豆燒二箇川山甲炒四僵蠶個五倍子個右為末黃酒調下

一治魚口便毒方 陳雲岳傳 僵蠶炒三十個 川山甲土炒二錢 蜈蚣二條 甘草節一錢 大黃三錢 杏仁去皮尖 五靈脂錢二 全蝎一個 皂角子炒一錢 金銀花錢 右剉一劑酒水各半煎服

下疳

下疳瘡乃男子玉莖生瘡皆因所欲不遂或交接不潔以致邪毒浸漬發成瘡毒日久不愈或成便毒或損爛陽物多致危篤又魚口瘡妬精瘡皆其類也俗云疳瘡未已便毒復來生也

妬精瘡此蓋因婦人陰中先有宿精因而交接虛熱薰蒸即成此疾初發在陰頭如粟類拂之甚痛兩目出清膿作白孔蝕

之大痛婦人有生於玉門內正似疳蝕瘡不痛為異耳 消疳敗毒方 防風六分 獨活六分 柴胡五錢 連翹六分 荊芥六分 黃柏六分 知母六分 黃連六分 赤芍六分 蒼朮六分 赤茯苓六分 木通六分 龍胆草六分 甘草六分 右剉一劑燈

心二十四寸水煎空心服如有便毒量人虛實加大黃一二錢煎服

一治下疳瘡 天靈蓋煨 紅褐小紅棗 蜜燒存性 右為極細末先用好細茶煎濃洗淨摻之

一治下疳痛不可忍如神 宮粉煨五 冰片六分 水銀三分 用錫 右為細末摻瘡上

一治下疳潰爛 珍珠煨存 片腦煨一 人手指甲 足指甲煨成灰 血餘煨成灰 右為細末摻患處

一薰下疳方 皮硝梳 乳香 雄黃六分 孩兒茶五 右入小罈內外用牛糞火煨熟罈其硝自化薰之患上使以心

口涼為度

一治陰頭上疳瘡 何和字傳 五倍子燒灰存性 硃砂六分 孩兒茶五 冰片六分 輕粉五 水銀六分 右共為細

末撒患處如從一邊爛起加狗骨燒灰二分如從週圍爛起加鼈壳燒灰二分

一方疳瘡秘方 八寶丹 乳香 沒藥 孩兒茶 紅褐子灰 海巴個 珍珠炒 象牙煨 龍骨煨各 右為細

末先用米泔水洗瘡拭乾摻上神效

一疳瘡膿清不結痂不合口久不愈者用 六味地黃丸加黃柏知母麥門冬四五劑而愈

一治下疳瘡擦藥 陳鍾岳傳 冰片六分 珍珠三個 黃柏以猪胆塗上大 蘆薈六分 輕粉炒三 天靈蓋煨一 白

右共研細末摻患處如有般香油調搽

便毒 下疳

一治疔瘡。黃柏去皮以猪胆炙透為末揀瘡上。

一治陰囊上生瘡。用甘草煎水溫洗却用蠟茶末敷之。

一治陰頭生瘡。用溪港中螺螄入乾鍋內煨過先以溫水洗五七次後以此藥敷之。

一治妬精瘡。用大田螺兩個和穀煨過存性為末輕粉敷之。

一治外腎生瘡。用萊豆粉一分蚯蚓尿二分水研塗乾又敷。

一治腎臟風發瘡疥。用紅椒去目水浸半日和生杏仁研爛擦兩手掌揀外腎極效。

一治下部生濕瘡。熱痒而痛寒熱大小便澇食亦減身面微腫。馬齒莧四兩研爛入青黛二兩再研勻敷上。

一治下疳瘡。白礬^兩黃丹^{八錢}。右研為細末以溝渠中惡水洗過拭乾敷上。

一治蠟燭發神方。鍾乳石^分硃砂^分珍珠^分琥珀^{五份}片腦^{五份}。右為細末每用土茯苓四兩猪蹄二隻煎

水三碗早間服一椀調前藥末四厘午間服一椀調前藥末四厘晚間服一椀調藥末四厘一日服三次共一分二厘十

日服盡其瘡必愈其猪蹄隨用之其動風發物牛肉燒酒最忌之神良之秘方也。

楊梅瘡

夫厲瘡者一名楊梅瘡。因形相似乃氣受之故堅實凸起又名棉花瘡。血受之其形扁塌而潰又名果子瘡。亦類其象。又俗

呼之也。北又曰天泡瘡。皆一名異而實同源。始瘡當別自取者重傳染者輕。蓋自致者必因淫慾太妄以致陰處起火及

縱口忌味三焦皆熱精竭血結遺滯諸經而成者也。俗傳以母猪大羊肉雞鯉毒物發出謂毒盡殊不知在火上添油矣。

又有怕露出而求速效者過服敗毒散則傷五內胃氣毒亦陷伏以藥線薰臍致使不能得出收不能收延潰不能杜絕

手足心皮枯似白鵝掌風及後筋骨疼痛風塊惡候皆未獲良治而然也。凡遇此患托裡解毒湯外用千里光明湯頻頻

洗浴大效。托裏解毒湯當歸^{五錢}川芎^錢赤芍^{五錢}生地黃^錢連翹^錢黃芩^錢黃連^{酒炒}防風^錢

荊芥穗^錢苦參^{酒炒}羌活^錢黃芪^錢皂角子^{二十}防己^錢木瓜^五生甘草^三土茯苓^{四兩}

右剉水二椀煎一椀溫服渣再煎服。虛弱人加入參一錢。自生者加黃柏一錢用牛膝一錢用獨活一錢宜服二十

帖每帖煎三次一日服一帖。千里光明湯青木香黃連黃柏黃芪防風荊芥苦參蒼耳子蛇床

子 羌活

升麻

麻黃

甘草

雞腸草

凍青葉

右作一劑用布包水煮於無風處服下煎藥即以此

湯浴洗涼了又加熟藥湯煮熱著實洗微汗拭乾十日後不必頻洗其藥渣并入煎藥渣再洗雞腸草一名千里光明草

又名九里明俗名藤枯賣其葉稍尖而歧開花白色處處有之

一治楊梅瘡初起先服防風通聖散十餘劑後服此收功永無後患

十全丹 雲萊弟驗 雄黃 硃砂 乳香 沒藥

湯下

孩兒茶 當歸 白芷 丁香 槐角

輕粉用花椒一錢煎水調藥八分

右為細末飯為丸如菜豆大每服三十丸土茯苓

一治楊梅瘡先服防風通聖散加紫草一兩同煎服後服此

良十九 白鮮皮二兩 皂角子一百二 防風二兩 細辛三兩

川烏一兩

草烏二個

黃粟壳四兩

右剉十劑每一劑用土茯苓一斤猪肉半兩同煎服

飯冷團斤 右俱

一治楊梅瘡 黃左川傳 連翹四兩

金銀花二兩

牙皂二兩

杏仁二個

蟬退二個

肥珠子三個

飯冷團斤 右俱

一治楊梅瘡 黃仰溪傳 青藤二兩

當歸尾二兩

皂角刺二兩

金銀花五兩

五加皮二兩

白鮮皮二兩

右剉分作十

二劑每劑用土茯苓四兩水煎服先服通聖散

五倍子錢

右剉味為末用土茯苓半斤研爛猪肉半斤切碎共作一

一治楊梅瘡 南塘伍驗 漢防己錢

槐花錢

五倍子錢

右剉味為末用土茯苓半斤研爛猪肉半斤切碎共作一

一治楊梅瘡良方 胡雲齋傳 歸尾三錢

牛膝三錢

黃芩三錢

大黃二兩

木瓜二兩

金銀花二兩

皂角刺八

錢

蟬退五錢

一治天泡瘡神方 用鐵銹釘醃醋磨濃搽瘡上立已

一論凡人患楊梅天泡棉花等瘡致成一切難狀之疾或楊梅瘡爛見骨經年不收口者或筋骨疼痛舉發無時或遍身疔

瘡不消或手足皸破出血或遍身起皮發癢好一層起一層或赤癰白癰鵝掌風癬或皮好骨爛口真難當及年久膿瘡

不愈一切頑瘡惡毒并皆神效 通仙五寶湯 鍾乳粉三錢

大硃砂五錢

琥珀五錢

冰片五錢

珍珠五錢

右

為細末用白飛起炒三分共一錢二分分作十二帖每一日一帖用一分用土茯苓一斤水煎十二碗每碗用半碗和

為細末用白飛起炒三分共一錢二分分作十二帖每一日一帖用一分用土茯苓一斤水煎十二碗每碗用半碗和

為細末用白飛起炒三分共一錢二分分作十二帖每一日一帖用一分用土茯苓一斤水煎十二碗每碗用半碗和

為細末用白飛起炒三分共一錢二分分作十二帖每一日一帖用一分用土茯苓一斤水煎十二碗每碗用半碗和

為細末用白飛起炒三分共一錢二分分作十二帖每一日一帖用一分用土茯苓一斤水煎十二碗每碗用半碗和

為細末用白飛起炒三分共一錢二分分作十二帖每一日一帖用一分用土茯苓一斤水煎十二碗每碗用半碗和

服共十二碗一日俱要吃盡不可別用茶湯一日一服有不盡劑而愈者有終劑而愈者如病重未愈須再服一料忌鵝雞魚牛羊發物及房勞

一治楊梅風塊作痛作腫及癰疽瘰癧毒一切無名腫毒黑虎膏草烏酒南星仁半夏仁五倍子三兩同藥豆大黃仁黃柏兩姜黃兩乾生薑兩右各為細末共和勻用葱汁米醋調成膏貼塊上時常以葱醋潤之母令乾燥其膏一日又取下加些新的復研再貼以消為度

一楊梅瘡愈後遺癰毒層層頑皮痒不可當牛油香油柏油黃蠟各一兩搗批待銀硃一錢五分宮粉錢射香五右為末入內和勻先將火燒癰令痒抓破擦上藥再烤再擦如神

一治楊梅瘡不論遠近先服防風通聖散十數劑後服此丸收功神效輕粉錢孩兒茶錢糯米飯錢芝麻錢右共搗為丸作一百個每早茶下十九丸忌薑鹽要齋戒

一治楊梅瘡雄黃三錢真輕粉錢杏仁去皮尖三十個右研為細末入杏仁再研如泥用雄猪胆汁調敷瘡要先洗淨拭乾敷藥二三日效

疥瘡

天疥與癬因熱客於皮膚之所致風毒浮淺者為疥也毒之深沉者為癬也多因風毒夾熱得之疥發於手足或至遍身癬則肌肉癢疹或圓或斜或如苔癬走散內藏汁而外藏有筐曰乾癬苔癬風癬濕癬四者莫不均有蟲者治癬去風殺虫是也

一論風瘡疥癬癢些些白癩風赤遊風血風腫瘡丹瘤及破傷風在上部者加桔梗一錢在下部者加木瓜牛膝各一錢如濕氣成患而在下土蟬退連翹各七川芎羌活各八蟬退赤芍前胡柴胡各五荆芥薄荷牛旁子獨活蒼木各六僵蠶連翹各七川芎羌活各八蟬退甘草各三右到一劑生薑三片水煎服

一薑芥如掃銀硃錢雄黃錢木鼈子個好攪香錢艾葉錢右五味為末以紙捲條陰陽丸盛薑兩腿腕以被蓋之留頭面在外先以布包裹二便

一治黃瘡疥蟲瘡花椒雄黃斷艾右三味共為末將紙捲筒放被黃之